



Na osnovu člana 5.22 stav (3) Izbornog zakona Bosne i Hercegovine ("Službeni glasnik BiH", br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22, 51/22, 67/22 i 24/24) i člana 18. Poslovnika Centralne izborne komisije Bosne i Hercegovine ("Službeni glasnik BiH", br. 32/23), a u vezi Odluke o raspisivanju i održavanju Lokalnih izbora u Bosni i Hercegovini 2024. godine ("Službeni glasnik BiH", br. 31/24), Centralna izborna komisija Bosne i Hercegovine, na 56. sjednici, održanoj 22.08.2024. godine, donijela je

O D L U K U

o uspostavi Glavnog centra za brojanje i imenovanju direktora i zamjenika direktora Glavnog centra za brojanje za provedbu Lokalnih izbora u Bosni i Hercegovini 2024. godine

Član 1. (Predmet)

- (1) Centralna izborna komisija Bosne i Hercegovine (u daljnjem tekstu: Centralna izborna komisija BiH) formira Glavni centar za brojanje za pripremu i provedbu Lokalnih izbora u Bosni i Hercegovini koji će se održati u nedjelju, 06. oktobra 2024. godine.
- (2) Glavni centar za brojanje se uspostavlja za period od 15.08.2024. godine do zatvaranja Glavnog centra za brojanje, o čemu će Centralna izborna komisija Bosne i Hercegovine donijeti posebnu odluku.
- (3) Glavnim centrom za brojanje rukovodi direktor Glavnog centra za brojanje i tri zamjenika direktora Glavnog centra za brojanje.

Član 2. (Imenovanje)

- (1) Za direktora i zamjenike direktora Glavnog centra za brojanje imenuju se:
 - a) Bojan Simović, direktor,
 - b) Mubera Vulović, zamjenica direktora,
 - c) Adi Agić, zamjenik direktora i
 - d) Željko Biloš, zamjenik direktora.
- (2) Direktor i zamjenici direktora Glavnog centra za brojanje se imenuju na period od dana uspostavljanja pa do dana zatvaranja Glavnog centra za brojanje i odgovorni su za svoj rad Centralnoj izbornoj komisiji BiH.

Član 3. (Opis poslova)

- (1) U Glavnom centru za brojanje će se obavljati slijedeći poslovi:

- a) prijem i kontrola biračkog materijala birača koji glasaju putem pošte, sa biračkih mjesta za glasanje u odsustvu, nepotvrđenih-kovetiranih glasačkih listića, mobilnog tima i posebnog mobilnog tima,
 - b) verifikacija prava glasa birača iz tačke a) ovog člana,
 - c) brojanje i unos glasova iz tačke a) ovog člana,
 - d) ponovno brojanje po odluci Centralne izborne komisije BiH i
 - e) drugi poslovi utvrđeni podzakonskim aktima Centralne izborne komisije BiH.
- (2) Poslovi iz stava (1) ovog člana, obaviti će se u sjedištu Glavnog centra za brojanje u Sarajevu.

Član 4.
(Stupanje na snagu)

Ova Odluka stupa na snagu danom donošenja i objavit će se na internet-stranici Centralne izborne komisije BiH www.izbori.ba.

Broj: 05-1-07-1-1672-1/24
Sarajevo, 22 .08.2024. godine

